

Friedrich Gerdes Christophorus Stypmannus

**Collegii Iuridici Pro-Decanus Fridericus Gerdesius, I.U.D. ... Ad Inauguralem De
Minis & Comminationibus Dissertationem a Dn. Christophoro Stypmanno, Regii
Dicasterii Advocato Pro Summis in utroque Iure honoribus & privilegiis
consequendis Ad diem Iovis proximum 30. Iunii in Auditorio Maiori ... habendam
observanter, officiose & amice invitat**

Gryphiswaldiae: Doischerus, 1681

<http://purl.uni-rostock.de/rosdok/ppn747429103>

Druck Freier  Zugang





Ms. N. 2 (80.)

1. Mascoy de jure auspicii apud Romanos.
2. Mascoy de primatibus metropolitanis et reliquis episcopis ecclesie germanicæ.
3. Marbach de jure deceptorum.
4. Struv de opificibus.
5. Struv de brachio sæculari.
6. Struv de jure socerorum.
7. Habermann de ratificatione.
8. Frommann de jure variandi.
9. Panouq de poena adulterii ejusque indulgentia.
10. D'Autel de mutuo publico.
11. Bardili unus testis nullus testis.
12. G. Engelbrecht de dotatione virginum nobilium in Pomerania.
13. Stypmann de minis seu conminationibus.
14. Mascoy de verbis generalibus.
15. P. Müller de bene merito.
16. P. Müller de nova causa.
17. Werner de poenitentia.
18. Glæser de libero arbitrio secundum jus civile et canonicum tam constituendo quam constituto.
19. Werner de auctionibus.
20. Roth de resignatione domini judiciali.
21. P. Müller de evitacione majoris mali.
22. P. Müller de evitacione suspicionis.
23. Dyncker de vi legis in præteritum.
24. Mehlbaum de delictis imprimis de furtis.
25. Rühle iniquitatis accusata jurisprudentia.
26. Bechmann de actorum publicorum auctoritate.
27. Schwendendorffer de ultimis suppliciis.
28. Philippi jura circa cadavera humana.
29. P. Müller de præoccupacione fati.
30. Bornius de eo quod justum est circa destinationem.
31. Meylius de contractu libellario.
32. Minich de exceptione inhabilitatis contra advocatum.

33. Röder de prohibita rerum ecclesiasticarum alienatione.
34. Matthias de denunciatione evangelica.
35. Strauß de obligatione patris familias in cuius aedibus incendium ortum.
36. P. Müller de praescriptione Saxonica.
37. Stryck de iure oblivionis.
38. Lyser de robbaria et vi bonorum raptorum.
39. Mylius de libris mercatorum.
40. Romanus de varia injuriarum conversione.
41. Lincx de rubro nigro et albo.
42. Hahn de actionibus personatibus.
43. Brandt de legitima malefactor et fagor investigandi et convincendi ratione.
44. Ursinus de rationibus praefectarum. Quilibet sine.

COLLEGII JURIDICI
PRO-DECANUS

13a

FRIDERICUS
GERDESIUS,

J. U. D. Profesor Ordin: & Consi-
storii Ecclesiastici Director

MAGNIFICUM DN. RECTOREM,

Generosos, Nobilissimos, Amplissi-
mos, plurimumq; Reverendos Dicastrii, Acade-
miæ, Urbis & Ecclesiârum patres, cæteramq; insigni-
um Virorum & Academicæ Juventutis
coronam splendidissimam

AD INAUGURALEM

De Minis & Comminationibus
DISSERTATIONEM

à

Clarissimo & Consultissimo

DN. CHRISTOPHORO STYPMANNO,
Regii Dicastrii Advocato

Pro

Summis in utroque Jure honoribus & privi-
legiis consequendis

*Ad diem Jovis proximum 30. Junij in Auditorio Majori
horis à septima matutinis habendam
observanter, officiosè & amicè invitatur.*

GRYPHISWALDIÆ

Typis MATTHÆI DOISCHERI Acad. Reg. Typogr. 1681.



Ostquam homo ex lapsu

Protoplastarum in prava incli-
nare & nullum sibi appetendi ac de-
siderandi finem statuere cœpit, vix
aliquid in vita sanctum profanum-
ve fuit, quod periculo non esset ob-
noxium. Dicatas quondam hono-
ri Numinis summi ædes malitiã pes-
simorum hominum seu pollutas seu
dirutas non prisca tantum conqveruntur, sed & præsen-
tia deplorant secula. Et quis convitia, probra, injurias,
rapinas, homicidia & hujus farinae molimina alia, quibus
homo hominis famam vitamq; in discrimen adducit,
computet? quorum fœditati enarrandæ nulla adhuc dum
ætas calamorum satis suppeditavit, neq; suppeditabit un-
quam. Absit, Naturam vocemus cum Politico Malmes-
buriensi, quod ejusdem est corruptio & destructio; Ve-
nit illa à sanctissimâ sapientissimi Opificis manu, hæc
aliunde supervenit, nec increpare ille degenerem crea-
turam posset, neque homo emendare aut punire, si talem
Conditor in orbem introduxisset. Semetipsum suasu
Satanz, cum optime agere posset, & per omnia Justitiæ
sui Creatoris obsequi, in peccandi necessitatem ac libi-
dinem abjecit. Ne everteretur ergò societas humana,
quam conservatam DEUS volebat, metu opus fuit. Hic
illud frenum est, quo lascivientis & in illicita ruentis ma-
litiæ impetus cohibetur. Nam parcius delinquit, quis-
quis ex delicto plus damni sibi ac dedecoris, quam lucri
& voluptatis propositum, videt. Verè olim iste inter
Græcos nobilis Sophus, cum metulositatem illi alius
objiceret, atqui eò minus, aiebat, pecco, subinnuens in-
de

de sibi adversus peccandi incitamenta remedium sub-
ministrari. Metus religionis, metus honestatis est cu-
stos. Quicquid in vita universa sacrum atque utile,
hoc munimento clauditur. Atque ut metuat impius,
postquam jam dum cavet DEUS, etiam Nomothetæ,
& penes quos arbitrandi in rebus publicis est pote-
stas, providerunt. Ille enim intus per accusantis con-
scientiæ molestissimas, at justissimas tamen obloquu-
tiones terret & cruciat præfractum & contumacem
animum, ut post admissum scelus crudelius vapulet,
quàm si acerbissimis lancinetur suppliciis. Notatu
digna sunt, quæ Suetonius de Nerone Claudio Cæsa-
re refert. Ille enim occisâ matre Agrippinâ per Ani-
cetum, nec sceleris conscientiam, quanquam & mili-
tum & Senatus populiq; gratulationibus confirmaretur,
aut statim aut unquam postea ferre potuit, sæpè
confessus exagitari se maternâ specie, verberibus Fu-
rriarum ac tædis ardentibus. Quin & factò per Ma-
gos sacro, evocare omnes manes & exorare tentavit.
Lubet huc quoque transferre, quæ Strabo habet non
incommodè ad præsens negotium applicanda. Ari-
cinæ Dianæ nemus est juxta Ariciam urbem Italiæ, in
quo olim Taurica sacra sunt usurpata. Perfuga Sa-
cerdos constituebatur, qui priorem Sacerdotem
suâ trucidaverat manu, strictoq; semper gladio para-
tus erat ad insultus propulsandos. Hominis è deli-
ctis suis meticulosi illa erat imago:

Quem diri conscia facti

Mens habet attonitum, & surdo verberare cœdit

Occultum quatiente animo tortore flagellum.

Nam quantum meruit, metuit peccator, & post pa-
tratum facinus, quocunque tandem ferro dextram
instru-

instruat, vindictam pavidius expectat, quietem ani-
mi dies noctesq̄ intus divinâ turlante Nemefi. At
foris per severissimas leges, propositaq̄ supplicia,
per secures, gladios, furcas, scelestis minas intentant
Magistratus. Non aberrabit à vero, si quis dixerit,
plurimis olim locis iudicii palatia foro & sub dio fu-
isse exercita, ne oblivio supplicii, quod delictum ex-
cipit, temerè delinquentium animos subiret, & poenæ
horrore continerentur in officio, quos suavissima
honesti facies non permovebat. Cæterùm, quam
justum est terreri vefanas mentes & in perniciem alio-
rum proclives, taminiq̄vum in noxios & Justitiæ ser-
vantes metu minisq̄ subfatare. De utroque, ne ambi-
gas, faciet Vir Clarissimus & Consultissimus DN.
CHRISTOPHORUS STYPMAN, cujus honori
hæc servit pagina, qui materiam hanc, quousque
scil. minas admittere fas sit, uberius enucleandam
sumpsit. Natus is est in hac Musarum sede Anno
hujus seculi 73. die 8. Febr. Genitore Viro Prudentis-
simo & Spectatissimo DN. GEORGIO STYPMAN-
NO, Senatore & Mercatore dexterrimo. Genitrice
autem MARGARETA DE ~~Essen~~ Matronâ piissi-
mâ, qui tenerum adhuc per domesticos Præceptores
in vera pietate literisq̄ humanioribus informari fe-
cerunt. Succrescente verò atate, ut ingenium magis
magisq̄ à condiscipulis excitaretur, privata manu-
ctio Viri pl. Reverendi DN. MATTHIÆ MENK-
HUSEN, SS. Theol. & Philos. tum temporis Studio-
si, nunc Pastoris apud Neokerkenses vigilantissimi;
postea curæ DN. ULRICI BEZELII, nunc Secretarii
Ordinis Equestris in Rugia dexterrimi, commiserunt.
Cum verò adolefcentiæ anni accederent, hortatu Su-
cepto-

sceptoris sui, Viri Consultissimi DN. JACOBI CHRISTIANI, Secretarii Academiae nostrae & Conf. Regii optime meriti, nunc beati, anno 1668 in restauratum Gymnasium Carolinum, quod Sedini est, dimissus, ibi humaniorum literaturae & Philosophiae, imprimis vero Practicae operam dedit, praesente Rectore AND. GOTHOFREDO AMMONIO, tunc Philosophiae Magistro, post S. S. Theol. Lic. & apud Serenissimos Duces Lunenburgenses & Brunsvicensis Superintendente vigilantissimo, sub cujus praesidio Respondentis & Opponentis spartam non semel sustinuit. Eodem tempore sanctae Themidis fundamenta primis labris degustare non intermisit ductu Nobilissimi & Consultissimi DN. FRIDERICI MOVII, J. U. Lic. ejusdemque Prof. Regii, nunc J. U. D. & apud Stargardenses Syndici dignissimi. Sed in medio literarum cursu Anno 1669. proh dolor! charissimi Patris mors praematura insequuta doloris non minus quam jacturae eidem attulit. Biennio, & quod supererat, in Carolino Gymnasio studiis impenso anno 1670. suavis Consanguineorum domum revocatus, inceptam Sedini Juris notitiam omnibus viribus excolere cepit. Quod ut eo feliciori successu perageretur, privatae informationi Consultissimi DN. GEORGII LUDERI, J. U. Candidati & Dicasterii Regii Advocati dignissimi semet credidit, sub cujus directione totum Juris pelagum peragravit, haud tamen neglectis Dn. Professorum publicis & privatis collegiis. Nam privatim usus est manu ductione Cognati sui honoratissimi, Viri Nobilissimi & Excellentissimi DN. JOHANNIS POMERESCHII, Jcti & quondam Facultatis nostrae Antecessoris celeberrimi,
Con-



Consistorii Regii Directoris optimè meriti, nunc Reipubl. Lubecensis ProtoSyndici & Consistorii Ecclesiastici ibidem Præsidis gravissimi, Compatris nostri amicissimi, quem Instituta primum explicantem audivit: Postea Collegium Digestorum Disputatorium publicum ad exercitationes Schnobelianas ductu meo habuit, in quo ter quaterve Respondentis partes sustinuit: privatim verò Jus Feudale commune junctis simul Pomeraniæ consuetudinibus feudalibus me docentem audivit. In Jure publico verò Nobilissimum & Excellentissimum DN. PETRUM MASCOVIVM, Jctum & Antecessorem celeberrimum, Facultatis nostræ h. t. Decanum Spectabilem, Consistoriiq; Regii Assesorem, Collegam & Compatrem nostrum conjunctissimum, qui Ottonis Jus publicum singulari dexteritate tunc enodavit, Informatorem nactus est fidelissimum. Jure privato & publico in hunc modum absoluto peregrinationem cum fidei suo Achate & Cognato suavissimo DN. FRANCISCO ab *Essen* / J. U. D. suscepit. Antequam verò illam aggrederetur, disputationem de differentiis Juris civilis & Lubecensis conscripsit, eamq; sub præsidio nostro anno 1674. publicè defendit. Non multo post prædictum iter aggressus est, & relictis ad tempus paternis laribus, dehinc Hamburgum, inde Bataviam cæterasq; confœderatorum Ordinum provincias, imprimis Lugdunū, Batavorum Athenas, visitavit, ubi celeberrimum Jctum Bökemannum publicè privatimq; docentem audivit, & Anatomicum Apparatum in toto orbe post Pataviensem celeberrimum observavit. Accedente verò autumno Brabantiam, ejusq; opulentissimas civitates, puta Bruxellas,


xellas, Illustrissimi Regiminis sedem, Lovanium Musarum theatrum, Antwerpiam priori seculo mercaturâ & divitiis florentissimam, nunc ab illo splendore non parum dejectam perlustravit, in quibus locis observatu Curiosiora recensere nec attinet nunc nec unius paginae est. Revirescente vere Flandriam ejusque metropolim Gandavum, Caroli V. invictissimi Caesaris nativum solum petiit, ut & hic & in aliis ejus Comitatus civitatibus subnotanda animo solerti contueretur. Denique in Angliam tetendit, ubi non solum Londinum, in quo sedem & aulam Regiam longè famigeratissimam, sed & tunc temporis congregatum totius Magnae Britanniae nobilissimum Parlamentum Superius & Inferius oculis complexus in Regnorum horum statum inquirendi ansam habuit singularem. Nec intermisit posthæc Oxoniensem & Cantabrigensem Academias cum Bibliothecis Regiis scrutari, tum Collegium Anglicanum Curiosum & in eo admiranda naturæ, & per omnem literarum ac scientiarum ambitum observata propius intueri. Tandem ad Gallorum aulam, quæ totius Europæ hodie existimatur splendidissima, conversus, illudque Regnum, quantum potuit, diligentissimè lustravit, Statusque & Regiminis formam ob oculos posuit. Relictis Gallis ad Genevensem Remp. Helvetiorum Confœderatam se transtulit, ubi cum famigeratissimo Publicista Burgoldensi erudito orbi ob varia edita scripta satis noto colloquendi se obtulit occasio. Dehinc per Helvetios, Suevos, Bavariæ aulam, ad Imperatoriam Viennensem demum pervenit, ubi, quantum de domûs Austriacæ speciali status ratione licuit coram subnotare haud neglexit, & sic per Bohemiam, Saxoniam
& Mar-





& Marchiam Brandeburgensem in patriam per DEI gratiam redux factus est. In qua peregrinatione, quantum prudentiæ quæ fuerit, aliis pensandum relinquo. Nam & illius modestiæ grave est hæc plenius recensere, & nos in præsens Jurisperitiam in eo potissimum commendatamimus. Patriæ redditus statum ejusdem reperiit miserum & mox miserrimum, quem quoque piissimæ charissimæq; Matris mors ipsi quidem aggravavit. Quantum tamen potuit manum studio practico admovit. Quod dum commodè aliter fieri non poterat in Regii Dicafterii Advocatorum numerum receptus est. Superiori anno nomen suum apud Amplissimam Facultatem Juridicam professus est, & superatis feliciter examinibus privatis ad Lectiones, quas vocant, Cursorias, quas ad L. 4. ff. quæ in fraud. credit. recitavit, admisus est. Restat nunc Disputatio Inauguralis de Minis & Comminationibus eruditè conscripta & ante solemnem renunciationem in publica Panegyri, DEO juvante, habenda. Ad quam præsentis honore confessequè frequenti ornandam, Magnificum Dn. Rectorem, Generosum, Nobilissimum, Amplissimumq; Dicafterii, Academiae & Urbis Senatum, Sacri Ministerii Patres reverendos, omnesq; Jurisprudentiæ deditos & faventes unà cum Nobilissima Juventute Academica Collegium nostrum Juridicum, me interprete, omni cultu, studio affectuq; rogat & invitat.

*P. P. Gryphiswaldiæ sub Sigillo Facultatis
Juridica 26. Junij Anno 1681.*


(L. S.)







sceptoris sui, Viri Consultissimi
STIANI, Secretarii A cadem
optimè meriti, nunc beati, a
Gymnasium Carolinum, qu
ibi humanioriliteraturæ & P
rò Practicæ operam dedit, p
GOTHOPREDO AMMO
Magistro, post S. S. Theol. I
Duces Luncburgenses & Br
dente vigilantissimo, sub cu
tis & Opponentis spartam n
dem tempore sanctæ Them
labris degustare non interm
Consultissimi DN. FRIDEI
ejusdemq; Prof. Regii, nunc
denses Syndici dignissimi.
cursu Anno 1669. proh dolo
præmatura insequuta dolori
ræ eidem attulit. Biennio,
Carolino Gymnasio studiis in
Consanguineorum domum
dini Juris notitiam omnibus
Quod ut eo feliciori successu
formationi Consultissimi D
DERI, J. U. Candidati & I
ti dignissimi semet credidit,
tum Juris pelagum peragrav
Dnn. Profesorum publicis &
privatim usus est manu ducti
tissimi, Viri Nobilissimi & E
HANNIS POMERES
dam Facultatis nostræ An



OB I CHRI
Conf. Regii
rcitauratum
st, dimissus,
imprimis ve
ctore AND.
Philosophiæ
Serenissimos
Superinten
Responden
ssinuit. Eo
menta primis
Nobilissimi &
II, J. U. Lic.
pud Stargar
dio literarum
i Patris mors
s quam jactu
pererat, in
o 1670. suafu
nceptam Se
lere cepit.
r, privatæ in
R GII L U
gii A dvoca
irectione to
nen neglectis
collegiis. Nam
i sui honora
mi DN. JO
cti & quon
celeberrimi,
Con-